

ÖRNEFNANEFND

Ársskýrsla

2011

ÖRNEFNANEFND

Neshaga 16, 107 Reykjavík

Sími 525 5157 · Bréfasími 562 2699 · Netfang ornefnanefnd@hi.is

http://www.arnastofnun.is/page/arnastofnun_nafn_ornefnanefnd

Skipulag

Örnefnanefnd starfar á grundvelli laga nr. 35/1953, um bæjanöfn o.fl., með síðari breytingum, sbr. og 4. gr. sveitarstjórnarlaga, nr. 45/1998, og í samræmi við reglugerð nr. 136 um störf örnefnanefndar, frá 22. febrúar 1999.

Örnefnanefnd var þannig skipuð frá 12. maí 2011:

Pórunn Sigurðardóttir formaður.

Varamaður: *Haraldur Bernharðsson*.

Danfríður Skarphéðinsdóttir, varaformaður, tilnefnd af umhverfisráðuneyti.

Varamaður: *Gunnar H. Kristinsson*.

Hallgrímur J. Ámundason, tilnefndur af Stofnun Árna Magnússonar í íslenskum fræðum.

Varamaður: *Jónína Hafsteinsdóttir*.

Áheyrnarfulltrúi af hálfu Íslenskrar málnefndar með tillögurétti og málfrelsi: *Margrét Jónsdóttir*.

Varamaður: *Sigríður D. Þorvaldsdóttir*.

Fráfarandi nefnd starfaði til 20. febrúar 2011. Hún var þannig skipuð:

Póra Björk Hjartardóttir formaður.

Varamaður: *Haraldur Bernharðsson*.

Danfríður Skarphéðinsdóttir, tilnefnd af umhverfisráðuneyti.

Varamaður: *Hrafn Hallgrímsson*.

Svavar Sigmundsson, varaformaður, tilnefndur af Stofnun Árna Magnússonar í íslenskum fræðum.

Varamaður: *Guðrún Kvaran*.

Áheyrnarfulltrúi af hálfu Íslenskrar málnefndar með tillögurétti og málfrelsi: *Pórarinn Eldjárn*.

Varamaður: *Steinunn Stefánsdóttir*.

Örnefnanefnd hefur aðsetur í húsakynnum nafnfræðisviðs Stofnunar Árna Magnússonar í íslenskum fræðum að Neshaga 16 í Reykjavík.

Verkefni

Verkefni örnefnanefndar eru skv. lögum og reglugerð þessi:

1. að taka við tilkynningu um nafn nýbýlis og fjalla um það til samþykktar eða synjunar og senda samþykkt nafn til þinglýsingarstjóra;

2. að fjalla um beiðni um breytingu á nafni býlis til samþykktar eða synjunar og senda samþykkt nafnbreytingu til þinglýsingarstjóra;
3. að fjalla um beiðni sveitarstjórnar um lögfestingu á nafni á nýju þéttbýli eða þorpi, sem myndast hefur í landi jarðar eða jarða, til samþykktar eða synjunar og senda samþykkt nafn til þinglýsingarstjóra;
4. að úrskurða hvaða örnefni skuli sett á landakort sem gefin eru út á vegum Landmælinga Íslands eða með leyfi þeirra, sé ágreiningur eða álitamál um það efni og því hafi verið skotið til nefndarinnar;
5. að úrskurða um nýtt götunafn eða sambærilegt örnefni innan sveitarfélags, hafi risið ágreiningur um efnið og honum hafi verið skotið til nefndarinnar;
6. að úrskurða um nýtt eða breytt nafn húss í kaupstað, kauptúni eða þorpi, hafi risið ágreiningur um efnið og honum hafi verið skotið til nefndarinnar;
7. að veita umsögn um fyrirhugað nafn á nýju sveitarfélagi eða nafnbreytingu og um þau nöfn sem greiða skal atkvæði um ef könnun er gerð á viðhorfi íbúa sveitarfélags til nafns þess.

Heimasíða

www.arnastofnun.is/page/arnastofnun_nafn_ornefnanefnd

Á heimasíðu nefndarinnar má finna lög og reglugerð um störf örnefnanefndar, meginsjónarmið nefndarinnar um nöfn sveitarfélaga, leiðbeiningar og eyðublöð fyrir tilkynningu um nafn býlis og beiðni um breytingu á nafni býlis, ársskýrslur og skrár um nöfn á býlum sem tekin hafa verið upp eftir 1. ágúst 1998.

Fundir og afgreiðsla erinda

Haldnir voru 8 formlegir fundir í örnefnanefnd árið 2011, þar af voru 2 með fráfarandi nefnd. Einnig voru haldnir 2 umræðufundir um endurskoðun á lögum um bæjanöfn o.fl. nr. 35/1953 og reglugerð nr. 136/1999. Annar með fyrrverandi formanni og varaformanni örnefnanefndar og hinn með fulltrúa frá Þjóðskrá Íslands.

Nöfn býla

Tilkynningar um nöfn nýbýla:

Örnefnanefnd bárust á árinu formlegar tilkynningar um 22 nöfn. Eftir umfjöllun í nefndinni voru 16 ný nöfn samþykkt og send þinglýsingarstjórum. Þremur var vísað frá vegna þess að nafngiftir sumarbústaða og húsa í þéttbýli eru ekki á

verksviði nefndarinnar samkvæmt lögum um bæjanöfn o.fl. nr. 35/1953 og reglugerð nr. 136/1999. Einu nafni var hafnað vegna þess að nafnið þótti hvorki í samræmi við þær venjur sem ráðið hafa nafngiftum býla hér á landi né við íslenska málfræði og íslenska málvenju. Öðru nafni var hafnað af því að það þótti andstætt nafngiftahefð. Enn öðru erindi var vísað frá vegna þess að um var að ræða eyðibýli sem hafði ekki misst lögbýlisrétt og heldur því nafni sínu.

Beiðnir um breytingar á nöfnum býla:

Örnefnanefnd fékk á árinu þrjú formleg erindi um nafnbreytingu á býli og heimilaði tvær þeirra. Í báðum tilfellum var tilgangurinn með breytingunni að aðgreina býli frá öðru með sama nafni; í öðru tilfallinu var það gert með númeri en hinu með staðaratviksorði. Einu erindi var hafnað með tilvísun í lög um bæjanöfn o.fl. nr. 35/1953 og reglugerð nr. 136/1999 og með vísun í örnefna-vernd, þar sem um er að ræða fornt örnefni.

Ný nöfn 2011

Árið 2011 tók örnefnanefnd – samkvæmt lögum um bæjanöfn o.fl. nr. 35/1953 með síðari breytingum – við tilkynningum um eftirgreind nöfn býla og sendi nöfnin hlutaðeigandi þinglýsingarstjórum:

Austurás. Úr landi Austurkots, Sveitarfélaginu Árborg.

Beindalsholt. Úr landi Bjálmholts, Rangárþingi ytra.

Bíldsfell III. Úr landi Bíldsfells, Grímsnes- og Grafningshreppi.

Brekkuhús. Úr landi Hróarsholts II, Flóahreppi.

Grásteinsholt. Úr landi Lýtingsstaða, Rangárþingi ytra.

Hagi. Jörðin Hagi, Vopnafjarðarhreppi, Norður-Múlasýslu.

Hrafnagil. Úr landi Hlíðartungu í Ölfusi.

Hraunhóll. Úr landi Minni-Valla, Rangárþingi ytra.

Kvoslækur II. Úr landi Kvoslækjar í Rangárþingi eystra.

Lindarbotnar. Úr landi Botna, Skaftárhreppi.

Markalækur. Úr landi Syðri-Brúar í Grímsnes- og Grafningshreppi.

Sandar. Úr landi Litla-Klofa, Rangárþingi ytra.

Seljavellir III. Úr landi Seljavalla, Höfn í Hornafirði.

Skák. Úr landi Byggðarhorns, Sveitarfélaginu Árborg.

Skógar III. Úr landi Skóga II, Vopnafjarðarhreppi.

Sælukot. Úr landi Haga, Rangárþingi ytra.

Árið 2011 fjallaði örnefnanefnd enn fremur um og féllst á beiðnir um eftirgreindar breytingar á nöfnum býla og sendi hin nýju nöfn hlutaðeigandi þinglýsingarstjórum skv. lögum um bæjanöfn o.fl. nr. 35/1953 með síðari breytingum.

*Bíldsfell II. Áður Bíldsfell, Grímsnes- og Grafningshreppi.
Syðra-Laugaland efra. Áður Syðra-Laugaland, Eyjafjarðarsveit.*

Landakort og vegvísar

Umsögn um nafn á skagann á milli Eyjafjarðar og Skjálfaflóa: Örnefnanefnd mælti með nafninu *Flateyjarskagi*.

Annað

Rangt landnúmer á nýbýli sem nefndin hafði samþykkt á síðasta ári var leiðrétt og upplýsingar um það sendar þinglýsingarstjóra.

Reykjavík, 16. janúar 2012

ÖRNEFNANEFND

Þórunn Sigurðardóttir, formaður